

四明叢書

張宗祥



朱李忠義錄卷十六

四明萬斯同季野輯

男世標子建校

宗必經

宗必經字子文南昌人景定二年以詞學科發解明年
壬戌舉進士判瑞州晉藩兵副與樞密陳宜中不合謝
歸及宋祚革元世祖詔求江南人士留夢炎程文海交
薦謝枋得等二十餘人子文與焉固辭迫脅以去械至
元都繫獄三歲乃放還其在獄詩有云睡曉方知前是
夢落花難上舊來枝又云不覺授書冬再易我思黃霸

欲消魂歸隱于家

江西通志下同

宗必應

宗必應字子固南昌人登景定壬戌進士授江西招討司計議官景炎丙子元人克眞州徇江南招討劉槃欲以江西城降必應不可曰德祐之初降元者劉權無爲軍失守今文開府經略西南劉洙亦自省起兵往會可謂義舉名公不劉洙是效而效劉權此何爲者且能戰則戰不戰則死李庭芝姜才獨不可與同不朽乎槃不聽必應遂逝去人皆壯之

丁中

丁中字汝明新建人性剛介鷙學力行兩中寶祐鄉舉
補大學上舍與徐鹿卿吳澄爲友聚書數萬卷訓子弟
必先德後藝值宋運革隱居不仕人稱曰韋軒先生

吳仲軒

吳仲軒進賢人度宗時第進士語江萬里曰國步日蹙
吾不復仕矣遂歸隱教授于鄉四方從遊者眾侍御史
程鉅夫疏薦不起作詩謝之曰抱病經年久何期徵詔
臨芸窗書已蠹竹徑葉尤深空返皇華使難忘鷗鳥心

懷君雖感激衰鬢不勝簪

陳煥

陳煥字詩可豐城人煥博學和易黃謙父重其人爲貢田築館居之二十年兩與鄉漕薦入元隱居巖山不仕取平生著述定爲易傳宗書傳通詩傳微禮記釋四書補註諸書行于世

程以臨

程以臨字至可寧州人至元閒除將仕郎辭不就天資超悟凡經史百家天文地理諸書靡不通貫尤長于詩

構別墅閉戶讀書老而彌篤選編漢魏唐宋諸詩名曰
刪後正音所著有瓢丸小集

陰幼遇

陰幼遇字時夫奉新人家數百口五世同居登寶祐九年進士入元不仕父鄉貢士應夢授以凡例幼遇著韻府羣玉若干卷兄中夫幼達復爲註釋若干卷傳于世

胡幼黃

胡幼黃字成玉永新人咸淳甲戌進士授節度推官宋亡遂退居山中創讀書樓日呻諷其中元世祖用留夢

炎等議令所在搜求宋遺士以聞同榜狀元王龍澤起
爲監察御史獨幼黃邀進士豫章熊朋來安成劉應鳳
皆避匿不出時論譴之

劉應鳳

劉應鳳字克舉安福人中咸淳癸卯鄉試明年對大廷
以言忤時相寘第五授簽判元兵逼江南遂隱去以文
自娛好莊子戰國策故人稱其文謂有霸氣文丞相被
執應鳳遇王鼎翁對牀賦詩憫之有天留中子墳孤竹
誰向西山飯伯夷之句

周焱

周焱吉水人寶祐進士官南昌知縣宋亡誓不復仕閉戶著書以娛老有通鑑論斷四書衍義行于世

康夢吉

康夢吉字叔誼龍泉人在大學時不遊湖山不謁貴近賈似道欲館爲子弟師力辭時人比之陳后山登咸淳進士任撫州教授嚴程試舉鄉射士譽翕然尋以宋亡棄官不仕

曾子良

曾子良全谿人三歲不言伯父容安教之誦詩則點首
應諾一夕見月忽能成誦舉家異之及長篤志性理之
學登咸淳戊辰第調興安尉遷淳安令與郡守一言不
合奉母歸養入元程鉅夫以遺逸薦授憲僉不赴扁節
屠二字於堂以示其志卒年六十三學者稱平山先生
所著有易雜說中庸大學語孟解聖宋頌百行冠冕詩
續言行錄詩廣索類稿咸淳類稿

于應雷

于應雷字震卿金谿人早治舉子詩賦論策咸淳閒領

鄉薦國亡隱居龍田里之五雲山以讀書誨人爲事剛
直寡合非大禮未嘗一入鄰家事親孝謹爲文嚴整有
法吳文正名其墓曰其文金玉其質石鐵九十而終全
士之節

李朋

李朋字壽甫崇仁人經傳千史一覽弗遺尤精熟周禮
會諸路舉義兵朋密受蠟檄後聞厓山失守遂扁其閒
居之所曰閉隱庵取古不事二君者刻書于壁足跡不
出戶外雖至戚不得一入其中時復悄然淚下以憤懣

致疾死年五十四平山曾子良銘其墓曰宋之義士

趙嗣詔

趙嗣詔字信道崇仁人咸淳元年進士初主嘉魚簿再任紹興府司法參軍宋亡隱居兄嗣謹亦先詔舉進士時同邑何晉字德翁與兄桂發俱咸淳元年進士詔與同構別堡躬耕以食日雜樵夫牧豎中短褐行歌夜則一燈相對講究不輟或有語及興亡事者詔曰受命而興古不一姓但吾輩不幸偶逢喪亂耳君何所見之不達也人以爲至言

王科

王科字子純樂安人宋末貢補國學國亡隱居不仕吳
草廬書曰眷儒宿學如吾子純者寥寥若晨星子梁字
良甫師事草廬嘗築汪陂溉田千頃鄉賴無旱邑長變
理溥化郡守楊友直皆加禮敬有西齋稿藏于家

鄒次陳

鄒次陳字周弼一字悅道宜黃人宋末中博學宏辭科
值革命隱居不仕遠近學者多從遊及卒何太虛哀以
詩云八窗九室失般倅善斲無人轉可悲又云門生定

展王通學舊及誰成郭泰碑其見推于時賢如此所著有遺安集十八卷史鈔十卷

黃丙炎

黃丙炎字純宗號思梅崇仁人咸淳元年進士授臨桂簿德祐元年差幹辦江西制司帶行禮部架閣加國子正除宗正簿北兵大至黃萬石棄撫州走丙炎不能挽遂歸隱又十餘年卒其詩文清整涵暢足自爲一家初擢第歸道出安仁有盜殺人逸累居者旣誣服丙炎以過客得盜名告使者謝曰君乍脫場屋洗冤如此可量

哉千峯陳宗禮每歎其清苦不可及劉須溪銘其墓曰
最不幸而以身從人又不幸而以文致身故雖有孔明
公瑾而用之如陳琳阮瑀又如溫石二子而不得爲許
遠張巡豈非命云子興孫字祖烈十歲能詩文值革命
父兄相與講學不復仕進于詩尤長性孝友親疾不解
帶居喪有禮卒年四十次鳳孫暉孫皆有學

鄭松

鄭松字特立樂安人三預進士貢不第以邵子經世書
止於周顯德乃自庚申未興至甲午金亡爲續其二百

七十五年於邵子所紀三千三百一十六年間頗有更
定書法視昔尤謹其論國統絕續離合謂興國無所承
亡國無所授者各爲系漢魏晉宋齊梁陳爲一系魏周
隋唐梁唐晉漢周宋爲一系遼金元爲一系吳文正公
以爲此論世儒未之及松入元隱居布水谷三十年於
凡古今因革聖賢心迹有所疑每就文正細商之不以
輩行自居

王道翁

王道翁崇仁人慷慨有大節初授安陸丞不就構室浮

丘山奉母以居時南村上舍張達翁有僕胥任與張仲
四僕五二強悍爭衡五二密誘贛寇蔡九五曾柏三夜
劫王喬仙童二砦殺達翁收其財物達妻李氏抱男宗
紹依于道翁會文天祥勤王乃率其子弟及鄉勇千人
應募遂乘機破柏三寨追擒五二文聞之舉翁爲義兵
總管翁率其子伯高會兵興國進勦蔡賊未幾元兵南
下天祥北行翁散其餘兵悲憤而卒

陳祥甫

陳祥甫號滿塘樂安人國學生咸淳甲戌嘗與同舍汪

斗建楊期泰上書論賈似道誤國不報德祐乙亥奉督
府何見山檄與弟祥霖築堡糾義偕輩信張日中屢角
元兵於楮山東固空坑等處後徙居崇仁自號南隱誓
不忘宋按崇仁志亦載陳祥甫好施平糶仗義急公壽
居崇仁
後事

李進

李進字野翁崇仁人登淳祐二年進士福建轉運司提
領戶部贍軍所主管值革命隱居栗門種瓜植菊以終
其身虞邵菴稱其詩兼簡齋放翁蒼山東林之長著礪